

OFFERYNNAU STATUDOL CYMRU

**2019 Rhif 290 (Cy. 68)**

**CYNLLUNIO GWLAD A THREF, CYMRU**

**Gorchymyn Datblygiadau o Arwyddocâd  
Cenedlaethol (Gweithdrefn) (Cymru) (Diwygio) 2019**

<i>Gwnaed</i>	- - - -	<i>18 Chwefror 2019</i>
<i>Gosodwyd gerbron Cynulliad Cenedlaethol Cymru</i>	- -	<i>20 Chwefror 2019</i>
<i>Yn dod i rym</i>	- -	<i>1 Ebrill 2019</i>

Mae Gweinidogion Cymru, drwy arfer y pwerau a roddir iddynt gan adrannau 61Z, 62R a 333 o Ddeddf Cynllunio Gwlad a Thref 1990(1), a thrwy arfer y pwerau a roddir i'r Ysgrifennydd Gwladol gan adrannau 59 a 62 o'r Ddeddf honno(2) ac sydd bellach yn arferadwy ganddynt hwy(3) (fel y'u cymhwysir yn achos adran 62 gydag addasiadau gan Orchymyn Datblygiadau o Arwyddocâd Cenedlaethol (Cymhwysio Deddfiadau) (Cymru) 2016)(4), yn gwneud y Gorchymyn a ganlyn:

**Enwi, cychwyn, cymhwyso a dehongli**

1.—(1) Enw'r Gorchymyn hwn yw Gorchymyn Datblygiadau o Arwyddocâd Cenedlaethol (Gweithdrefn) (Cymru) (Diwygio) 2019 a daw i rym ar 1 Ebrill 2019.

(2) Nid yw'r Gorchymyn hwn yn gymwys i gais a wneir, neu y bwriedir ei wneud, i Weinidogion Cymru o dan adran 62D o Ddeddf Cynllunio Gwlad a Thref 1990 cyn y dyddiad y daw'r Gorchymyn hwn i rym.

(3) Yn y Gorchymyn hwn, ystyr "y Gorchymyn Gweithdrefn" yw Gorchymyn Datblygiadau o Arwyddocâd Cenedlaethol (Gweithdrefn) (Cymru) 2016(5).

- (1) 1990 p. 8. Mewnosodwyd adran 61Z gan adran 17(3) o [Ddeddf Cynllunio \(Cymru\) 2015 \(dccc 4\)](#) ("Deddf 2015"). Mewnosodwyd adran 62R gan adran 25 o Ddeddf 2015. Diwygiwyd adran 333 gan: adran 78 o [Ddeddf yr Amgylchedd 1995 \(p. 25\)](#), a pharagraff 32(12) o Atodlen 10 iddi; adran 118(1) o [Ddeddf Cynllunio a Phrynu Gorfodol 2004 \(p. 5\)](#), a pharagraffau 1 a 4 o Atodlen 6 iddi; [O.S. 2014/2773 \(Cy. 280\)](#) ac adran 55 o Ddeddf 2015, a pharagraffau 3 a 6 o Atodlen 7 iddi. Mae diwygiadau eraill i adran 333 nad ydynt yn berthnasol i'r Gorchymyn hwn.
- (2) Diwygiwyd adran 59 gan adran 27 o Ddeddf 2015, a pharagraff 3 o Atodlen 4 iddi, a chan adran 55 o Ddeddf 2015, a pharagraff 5 o Atodlen 7 iddi, Mae diwygiadau eraill i adran 59 nad ydynt yn berthnasol i'r Gorchymyn hwn.
- (3) Trosglwyddwyd swyddogaethau'r Ysgrifennydd Gwladol i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 ([O.S. 1999/672](#)); gweler y cofnod yn Atodlen 1 ar gyfer Deddf Cynllunio Gwlad a Thref 1990. Trosglwyddwyd swyddogaethau Cynulliad Cenedlaethol Cymru i Weinidogion Cymru yn rhinwedd adran 162 o [Ddeddf Llywodraeth Cymru 2006 \(p. 32\)](#), a pharagraffau 30 a 32 o Atodlen 11 iddi.
- (4) [O.S. 2016/54 \(Cy. 24\)](#).
- (5) [O.S. 2016/55 \(Cy. 25\)](#), a ddiwygiwyd gan [O.S. 2017/567 \(Cy. 136\)](#).

## Diwygio'r Gorchymyn Gweithdrefn

- 2.—(1) Mae'r Gorchymyn Gweithdrefn wedi ei ddiwygio fel a ganlyn.
- (2) Yn erthygl 2, yn y lle priodol mewnosoder—
- “ystyr “y Rheoliadau Meini Prawf” (“*the Criteria Regulations*”) yw Rheoliadau Datblygiadau o Arwyddocâd Cenedlaethol (Meini Prawf Penodedig a Chydsyniadau Eilaidd Rhagnodedig) (Cymru) 2016(6);”.
- (3) Yn erthygl 8—
- (a) ar ddiwedd paragraff (1)(b)(vii) hepgorer “ac”;
- (b) ar ddiwedd paragraff (1)(b)(viii) mewnosoder “; a”; ac
- (c) ar ôl paragraff (1)(b)(viii) mewnosoder—
- “(ix) yn achos datblygiad o fewn rheoliad 3(1)(ab) o'r Rheoliadau Meini Prawf, datganiad ysgrifenedig ynghylch hyd y llinell arfaethedig a'i foltedd enwol.”
- (4) Yn erthygl 12—
- (a) ar ddiwedd paragraff (1)(b)(ix) hepgorer “a”;
- (b) ar ddiwedd paragraff (1)(b)(x) mewnosoder “; a”; ac
- (c) ar ôl paragraff (1)(b)(x) mewnosoder—
- “(xi) yn achos datblygiad o fewn rheoliad 3(1)(ab) o'r Rheoliadau Meini Prawf, datganiad ysgrifenedig ynghylch hyd y llinell arfaethedig a'i foltedd enwol, a pha un a gytunwyd ar yr holl ffordd freintiau angenrheidiol gyda pherchnogion a meddianwyr y tir y bwriedir i'r llinell ei groesi.”
- (5) Yn lle Atodlen 1, rhodder yr Atodlen yn Atodlen 1 i'r Gorchymyn hwn.
- (6) Yn lle Atodlen 2, rhodder yr Atodlen yn Atodlen 2 i'r Gorchymyn hwn.
- (7) Mae'r diwygiadau yn Atodlen 3 i'r Gorchymyn hwn yn cael effaith.

18 Chwefror 2019

*Julie James*  
Y Gweinidog Tai a Llywodraeth Leol, un o  
Weinidogion Cymru

ATODLEN 1

Erthygl 2(5)

Amnewid Atodlen 1 i'r Gorchymyn Gweithdrefn

“ATODLEN 1

Erthyglau 8 a 9(5)

Cyhoeddusrwydd ac ymgynghori cyn gwneud cais am ganiatâd cynllunio  
Gorchymyn Datblygiadau o Arwyddocâd Cenedlaethol (Gweithdrefn) (Cymru) 2016

**CYHOEDDUSRWYDD AC YMGYNGHORI CYN GWNEUD CAIS AM GANIATÂD  
CYNLLUNIO  
HYSBYSIAD O DAN ERTHYGLAU 8 A 9(2)**

(i'w gyflwyno i berchnogion a/neu feddianwyr tir cyffiniol, ymgynghoreion cymunedol a phersonau perthnasol; i'w arddangos drwy hysbysiad safle ar neu gerllaw lleoliad y datblygiad arfaethedig; ac i'w gyhoeddi mewn papur newydd yn y gymdogaeth.)

Diben yr hysbysiad hwn : mae'r hysbysiad hwn yn rhoi cyfle i wneud sylwadau yn uniongyrchol i'r datblygwr ynglŷn â Datblygiad o Arwyddocâd Cenedlaethol (DAC) arfaethedig cyn cyflwyno cais am ganiatâd cynllunio i Weinidogion Cymru. Bydd ceisiadau cynllunio ar gyfer DAC yn cael eu hysbysebu gan Weinidogion Cymru a'r awdurdod cynllunio lleol perthnasol; ni fydd unrhyw sylwadau a ddarperir gennych wrth ymateb i'r hysbysiad hwn yn lleihau dim ar eich gallu i gyflwyno sylwadau i Weinidogion Cymru ar unrhyw gais cynllunio DAC cysylltiedig. Dylech nodi y gellir gosod unrhyw sylwadau a gyflwynir gennych yn y ffeil gyhoeddus.

Datblygiad arfaethedig yn (a) .....

Rwyf yn hysbysu bod (b) .....

yn bwriadu gwneud cais i Weinidogion Cymru am ganiatâd cynllunio mewn cysylltiad â Datblygiad o Arwyddocâd Cenedlaethol sef (c): .....

ac yn ystyried bod y cydsyniadau eilaidd a ganlyn yn gysylltiedig â'r cais arfaethedig a bod penderfyniad mewn cysylltiad â'r cydsyniadau hynny i'w wneud gan Weinidogion Cymru, neu gan berson a benodir gan Weinidogion Cymru at y diben hwnnw, neu y dylai gael ei wneud ganddynt: (d).....

Gallwch weld copïau o'r canlynol:

- y cais arfaethedig;
- y planiau; a
- dogfennau ategol eraill

ar-lein yn (e) .....

Rhaid i unrhyw un sy'n dymuno gwneud sylwadau ynglŷn â'r datblygiad arfaethedig hwn ysgrifennu at y ceisydd/yr asiant yn

(f)..... neu

(g).....

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

erbyn (h) .....

Llofnod: .....

Dyddiad: .....

---

Mewnosoder:

- a) cyfeiriad neu leoliad y datblygiad arfaethedig
- b) enw'r ceisydd
- c) disgrifiad o'r datblygiad arfaethedig
- d) manylion y cydsyniadau eilaidd y mae'r ceisydd yn ystyried y dylai Gweinidogion Cymru, neu berson a benodir gan Weinidogion Cymru at y diben hwnnw, wneud penderfyniad mewn cysylltiad â hwy (ar gyfer y diffiniad o "cydsyniad eilaidd" gweler y diffiniad o "secondary consent" yn adran 62H o Ddeddf Cynllunio Gwlad a Thref 1990; mae cydsyniadau eilaidd wedi eu rhagnodi at ddibenion adran 62H gan Reoliadau Datblygiadau o Arwyddocâd Cenedlaethol (Meini Prawf Penodedig a Chydsyniadau Eilaidd Rhagnodedig) (Cymru) 2016)
- e) cyfeiriad y wefan
- f) cyfeiriad e-bost y ceisydd/yr asiant
- g) cyfeiriad y ceisydd
- h) dyddiad gan ganiatáu cyfnod o 42 o ddiwrnodau, gan ddechrau â'r dyddiad cyflwyno a chyhoeddi"

ATODLEN 2

Erthygl 2(6)

Amnewid Atodlen 2 i'r Gorchymyn Gweithdrefn

“ATODLEN 2

Erthygl 9(5)

Ymgynghori cyn gwneud cais am ganiatâd cynllunio  
Gorchymyn Datblygiadau o Arwyddocâd Cenedlaethol (Gweithdrefn) (Cymru) 2016

YMGYNGHORI CYN GWNEUD CAIS AM GANIATÂD CYNLLUNIO - HYSBYSIAD O DAN  
ERTHYGL 9(3)

(i'w gyflwyno i ymgynghorion arbenigol, fel y'u diffinnir gan erthygl 2 o Orchymyn Datblygiadau o Arwyddocâd Cenedlaethol (Gweithdrefn) (Cymru) 2016)

**Diben yr hysbysiad hwn** : mae'r hysbysiad hwn yn archiad ffurfiol am ymateb i'r ymgynghoriad cyn gwneud cais o dan erthygl 9(3) o Orchymyn Datblygiadau o Arwyddocâd Cenedlaethol (Gweithdrefn) (Cymru) 2016.

Datblygiad arfaethedig yn (a) .....

Rwyf yn hysbysu bod (b) .....

yn bwriadu gwneud cais i Weinidogion Cymru am ganiatâd cynllunio mewn cysylltiad â Datblygiad o Arwyddocâd Cenedlaethol, sef (c): .....

ac yn ystyried bod y cydsyniadau eilaidd a ganlyn yn gysylltiedig â'r cais arfaethedig, a bod penderfyniad mewn cysylltiad â'r cydsyniadau hynny i'w wneud gan Weinidogion Cymru, neu berson a benodir gan Weinidogion Cymru at y diben hwnnw, neu y dylai gael ei wneud ganddynt: (d).....

Mae copi o'r cais arfaethedig; y planiau; a'r dogfennau ategol eraill wedi eu hatodi/i'w gweld ar-lein (dilëir fel y bo'n briodol) ar (e) .....

Yn unol â gofynion erthygl 10 o Orchymyn Datblygiadau o Arwyddocâd Cenedlaethol (Gweithdrefn) (Cymru) 2016, rhaid anfon ymateb i'r ymgynghoriad i (f) .....erbyn (g).....

Llofnod: .....

Dyddiad: .....

---

Mewnosoder:

- cyfeiriad neu leoliad y datblygiad arfaethedig
- enw'r ceisydd
- disgrifiad o'r datblygiad arfaethedig
- manylion y cydsyniadau eilaidd y mae'r ceisydd yn ystyried y dylai Gweinidogion Cymru, neu berson a benodir gan Weinidogion Cymru at y diben hwnnw, wneud penderfyniad mewn cysylltiad â hwy (ar gyfer y diffiniad o "cydsyniad eilaidd" gweler y diffiniad o "secondary consent" yn adran 62H o Ddeddf Cynllunio Gwlad a Thref 1990; mae cydsyniadau eilaidd wedi eu rhagnodi at ddibenion adran 62H gan Reoliadau Datblygiadau o Arwyddocâd

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Cenedlaethol (Meini Prawf Penodedig a Chydsyniadau Eilaidd Rhagnodedig) (Cymru) 2016)

- e) cyfeiriad y wefan
- f) cyfeiriad e-bost y ceisydd/yr asiant
- g) dyddiad gan ganiatáu cyfnod o 42 o ddiwrnodau, gan ddechrau â'r dyddiad cyflwyno"

ATODLEN 3

Erthygl 2(7)

Dyletswydd i ymgynghori cyn rhoi caniatâd cynllunio

1. Mae Atodlen 5 i'r Gorchymyn Gweithdrefn wedi ei diwygio fel a ganlyn
2. Yn y Tabl—
  - (a) yn lle paragraff (h) rhodder—

“(h)	<ol style="list-style-type: none"> <li>(i) Datblygiad sy'n cael effaith ffisegol uniongyrchol ar heneb gofrestredig.</li> <li>(ii) Datblygiad sy'n debygol o fod yn weladwy o heneb gofrestredig ac sy'n bodloni un o'r meini prawf a ganlyn—                     <ol style="list-style-type: none"> <li>(a) ei fod o fewn pellter o 0.5 cilomedr o unrhyw bwynt ar berimedr heneb gofrestredig;</li> <li>(b) ei fod o fewn pellter o 1 cilomedr o berimedr heneb gofrestredig a bod ei uchder yn 15 o fetrau neu ragor, neu fod ei arwynebedd yn 0.2 hectar neu ragor;</li> <li>(c) ei fod o fewn pellter o 2 gilomedr o berimedr heneb gofrestredig a bod ei uchder yn 50 metr neu ragor, neu fod ei arwynebedd yn 0.5 hectar neu ragor;</li> <li>(d) ei fod o fewn pellter o 3 cilomedr o berimedr heneb gofrestredig a bod ei uchder yn 75 o fetrau neu ragor, neu fod ei arwynebedd yn 1 hectar neu ragor; neu</li> <li>(e) ei fod o fewn pellter o 5 cilomedr o berimedr heneb gofrestredig a bod ei uchder yn 100 metr neu ragor, neu fod ei arwynebedd yn 1 hectar neu ragor.</li> </ol> </li> </ol>	Gweinidogion Cymru”
------	--	---------------------

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(iii)	Datblygiad sy'n debygol o effeithio ar safle parc hanesyddol cofrestredig neu ardd hanesyddol gofrestredig neu leoliad y parc hwnnw neu'r ardd honno;	
(iv)	Datblygiad o fewn tirwedd hanesyddol gofrestredig y mae angen Asesiad o'r Effaith Amgylcheddol ar ei gyfer; neu	
(v)	Datblygiad sy'n debygol o gael effaith ar werth byd-eang eithriadol Safle Treftadaeth y Byd	

(b) hepgorer paragraff (k); ac

(c) ar ôl paragraff (t) mewnosoder—

“(u)	Datblygiad— (i) ar dir a ddynodwyd yn Barth Llifogydd C2; (ii) sy'n ymwneud â, neu sy'n cynnwys, datblygiad gwasanaethau brys neu ddatblygiad a all fod mewn perygl mawr, ar dir a ddynodwyd yn Barth Llifogydd C1 neu ar dir yr hysbyswyd yr awdurdod cynllunio lleol yn ei gylch gan Gorff Adnoddau Naturiol Cymru at ddiben y ddarpariaeth hon	Corff Adnoddau Naturiol Cymru
(v)	Unrhyw ddatblygiad	Yr ymgwymerwr dŵr a charthffosiaeth perthnasol”

3. Yn y diffiniadau a roddir o dan y pennawd “Dehongli'r Tabl”—

(a) yn lle paragraff (d) rhodder—

“(d) ym mharagraff (h)—

- (i) mae i “heneb gofrestredig” yr un ystyr ag a roddir i “scheduled monument” yn adran 1(11) o Ddeddf Henebion ac Ardaloedd Archeolegol 1979 (henebion cofrestredig)(7);
- (ii) mae cyfeiriad at uchder datblygiad i'w ddehongli fel cyfeiriad at ei uchder wedi ei fesur o lefel y ddaear; ac at ddibenion y paragraff hwn ystyr “lefel y ddaear” (“ground level”) yw lefel arwyneb y ddaear yn union gerllaw'r datblygiad dan sylw neu, pan na fo lefel arwyneb y ddaear y lleolir y datblygiad arno yn wastad, lefel rhan uchaf yr arwyneb yn union gerllaw'r datblygiad;
- (iii) ystyr “parc hanesyddol cofrestredig neu ardd hanesyddol gofrestredig” (“registered historic park or garden”) a “tirwedd hanesyddol gofrestredig” (“registered historic landscape”) yw'r parc, yr ardd neu'r dirwedd sydd wedi ei gynnwys neu ei chynnwys yn y Gofrestr o Dirweddau,

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

- Parciau a Gerddi o Ddiddordeb Hanesyddol Arbennig yng Nghymru a gynhelir gan Weinidogion Cymru(8);
- (iv) ystyr “Safle Treftadaeth y Byd” (“*World Heritage Site*”) yw tir sy'n ymddangos ar Restr Treftadaeth y Byd a gedwir o dan erthygl 11(2) o Gonfensiwn UNESCO ar Amddiffyn Treftadaeth Ddiwylliannol a Naturiol y Byd a fabwysiadwyd ym Mharis ar 16 Tachwedd 1972(9);” a
- (b) ar ôl paragraff (i) mewnosoder—
- “(j) ym mharagraff (u)—
- (i) ystyr “Parth Llifogydd C1” (“*Flood Zone C1*”) yw ardal o orlifdir sydd wedi ei datblygu ac a wasanaethir gan seilwaith arwyddocaol, gan gynnwys amddiffynfeydd rhag llifogydd(10);
- (ii) ystyr “Parth Llifogydd C2” (“*Flood Zone C2*”) yw ardal o orlifdir sydd heb seilwaith arwyddocaol i'w hamddiffyn rhag llifogydd;
- (iii) mae i “datblygiad gwasanaethau brys” (“*emergency services development*”) a “datblygiad a all fod mewn perygl mawr” (“*highly vulnerable development*”) yr un ystyron ag a roddir iddynt yng Nghyfarwyddyd Cynllunio Gwlad a Thref (Hysbysu) (Cymru) 2012(11).”

---

## NODYN ESBONIADOL

(*Nid yw'r nodyn hwn yn rhan o'r Gorchymyn*)

Mae'r Gorchymyn hwn yn diwygio Gorchymyn Datblygiadau o Arwyddocâd Cenedlaethol (Gweithdrefn) (Cymru) 2016 (“y Gorchymyn Gweithdrefn”).

Mae erthygl 2 yn diwygio erthyglau 8 a 12 o'r Gorchymyn Gweithdrefn. Mae'r diwygiadau yn ychwanegu gofynion pan fo datblygiad yn cynnwys gosod mathau penodol o linellau trydan uwchben. Mae'r gofynion yn ymwneud â'r wybodaeth y mae'n rhaid i berson sy'n bwriadu gwneud cais am ganiatâd cynllunio ei chyhoeddi, a chynnwys y cais hwnnw.

Mae Atodlenni 1 a 2 yn amnewid y ffurflenni hysbysu yn Atodlenni 1 a 2 i'r Gorchymyn Gweithdrefn er mwyn ystyried y ffaith y caniateir i benderfyniadau ynghylch cydsyniadau sy'n gysylltiedig â datblygu llinellau trydan uwchben penodol gael eu cymryd gan berson a benodir gan Weinidogion Cymru at y diben hwnnw.

Mae Atodlen 3 yn diwygio Atodlen 5 i'r Gorchymyn Gweithdrefn. Effaith y diwygiadau hynny yw diwygio'r gofynion mewn cysylltiad â'r ymgynghoriad arbenigol y mae'n rhaid i Weinidogion Cymru, o dan erthygl 22 o'r Gorchymyn hwnnw, ymgynghori â hwy cyn rhoi caniatâd cynllunio.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Gorchymyn hwn. O ganlyniad, ystyriwyd nad oedd yn angenrheidiol cynnal Asesiad Effaith Rheoleiddiol o'r costau a'r manteision sy'n debygol o ddeillio o gydymffurfio â'r Gorchymyn hwn.

---

(8) Gweler <http://cadw.gov.wales/historicenvironment/protection/historiclandscapes/?lang=cy>.

(9) Gweler <http://whc.unesco.org/en/list>.

(10) Mae mapiau sy'n dangos parthau llifogydd ar gael oddi wrth Lywodraeth Cymru ar <http://data.wales.gov.uk/apps/floodmapping>.

(11) Cylchlythyr Llywodraeth Cymru: 07/2012.



*Document Generated: 2023-05-10*

**Statws** *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*